

Izjava OHR-a na konferenciji za medije međunarodnih organizacija u Mostaru

Sastanak u Briselu mogucnost za napredak

Kao što znate, Politički direktori Vijeća za implementaciju mira danas i sutra se sastaju u Briselu. Sastankom će predsjedavati Visoki predstavnik i Specijalni predstavnik EU, Christian Schwarz-Schilling. Iako neuobičajeno, učesnici iz BiH, predvodjeni Adnanom Terzićem, predsjedavajućim Vijeća ministara, neće biti samo predstavnici vlasti, već i predstavnici političkih stranaka zastupljenih u Parlamentarnoj skupštini BIH.

Ovo je posljednji sastanak Političkih direktora Vijeća za implementaciju mira, prije njihovog sastanka u februaru, kada će Vijeće za implementaciju mira razmotriti i odlučiti da li da potvrdi svoju odluku o zatvaranju OHR u junu 2007.

Svi predstavnici političkih stranaka će biti pozvani da naprave kratku prezentaciju Vijeću za implementaciju mira. Ovo odstupanje od uobičajenog formata sastanka odražava stratešku raskrsnicu na kojoj se BiH nalazi na svom putu prema euro-atlantskim integracijama. Više od dva mjeseca nakon opštih izbora, i manje od tri mjeseca prije razmatranja odluke PIC -a o zatvaranju OHR-a, Vlade na nivou države i Federacije još nisu formirane, a ključne reforme koje moraju biti provedene prije potpisivanja Sporazuma o stabilizaciji i pridruživanju, i prije nego što BiH može napraviti sljedeći korak prema poslije-ratnom oporavku, su stavljene na čekanje.

Blokiranje u procesu reformi je neodrživo. Ono šteti izgledima zemlje za stabilnost i prosperitet u bliskoj budućnosti, i to se mora razriješiti u narednih nekoliko dana – a ne mjeseci.

Sastanak sa PIC -om omogućava liderima stranaka da ostvare napredak u formiranju koalicija i provođenju reformi u okviru šireg plana reformi u skladu sa Ugovorom o stabilizaciji i pridruživanju.

Politički direktori će jasno staviti do znanja predstavnicima stranaka, da međunarodno okruženje u kojem BiH funkcionira nije statično – što je BiH sporija po pitanju reformi uslovi postaju teži.

Politički direktori će također biti jasni da je medjunarodna zajednica spremna raditi produktivno sa svim onim strankama koje su spremne da završe finalnu fazu porocesa Sporazuma o stabilizaciji i priudruživanju i da odblokiraju proces reformi.

Danas i sutra, će se između ostalog razgovarati o hitnoj potrebi da se uspostavi Fiskalno Vijeće BiH i da budžetske strukture na svim nivoima vlasti, budu usklađene sa dostupnim finansijskim izvorima, zatim o potrebi da se završi policijska reforma, i naposlijetku o reaktiviranju procesa ustavnih reformi, koje su bile vrlo blizu uspješnog zaključenja prošlog proljeća.

Kao i obično komunike će biti objavljen na kraju sutrašnjeg sastanaka, a dvije prilike za novinare će također biti organizovane tokom sutrašnjeg dana.

Visoki predstavnik će se obratiti medijima zajedno sa predsjedavajućim Vijeća ministara Adnanom Terzićem, nakon sastanka PIC -a sa predstavnicima političkih stranaka u 1300 sati u četvrtak 7 decembra.

Visoki predstavnik će također imati pres konferenciju odmah nakon završetka sastanka PIC -a u 14:45.

Obje pres konferencije ce se odrzati u Briselu u zgradji Justus Lipsius.